

Rhifyn Pum
MEHEFIN 2022



GIG
CYMRU
NHS
WALES

Iechyd a Gofal
Digidol Cymru
Digital Health
and Care Wales

CIPOLWG AR Y BWRDD



Croeso i Gipolwg ar y Bwrdd, fel aelodau Bwrdd yr Awdurdod Iechyd Arbennig, rydym i gyd yn teimlo ei bod yn bwysig eich diweddarau am rywfaint o'r gwaith rydym yn ei wneud ar draws y sefydliad ac yn GIG Cymru.

Daw'r rhifyn hwn gan **Helen Thomas**, ein Prif Swyddog Gweithredol.

Annwyl gydweithwyr,

Rydw i am rannu gyda chi yr hyn y mae'r Bwrdd wedi ymwneud ag ef ers rhifyn diwethaf Cipolwg ar y Bwrdd gan Grace Quantock, ein Haelod Annibynnol, ym mis Chwefror. Mae wedi bod yn gyfnod arbennig o brysur i ni fel Bwrdd, wrth i ni ddod i ddiwedd ein blwyddyn ariannol gyntaf fel Awdurdod Iechyd Arbennig.

Yn gyntaf, rwy'n falch o ddweud bod ein tri aelod mwyaf newydd o'r tîm gweithredol wedi

ymuno â Iechyd a Gofal Digidol Cymru (DHCW): Ifan Evans, Cyfarwyddwr Gweithredol Strategaeth, Gareth Davis, Cyfarwyddwr Gweithredol Gweithrediadau Dros Dro a Sarah-Jane Taylor, Cyfarwyddwr Pobl a Datblygu Sefydliadol. Ymunodd Ifan, Gareth a Sarah-Jane â'u cyfarfod Bwrdd DHCW cyntaf ym mis Mai ac roedd yn wych cael eu cyfraniad o amgylch y bwrdd rhithwir.

O ran recriwtio i'r Bwrdd, cynhaliwyd y cyfweiliadau ar gyfer ein Haelod Annibynnol ar 7 Mehefin ac rydym yn y broses o recriwtio ar gyfer swydd Cyfarwyddwr Gwasanaethau Digidol Gofal Sylfaenol, Cymunedol ac Iechyd Meddwl. Rydym yn edrych ymlaen at roi'r wybodaeth ddiweddaraf i chi am y swyddi hyn yn ystod yr wythnosau nesaf.

Rydym yn falch o fod wedi cymeradwyo ein Cynllun Tymor Canolig Integredig 2022-25 ac mae hwn wedi'i gyflwyno i Lywodraeth Cymru ac rydym yn aros am adborth ar y rhain.

Carreg filltir arwyddocaol arall i ni fel Bwrdd yw ein bod wedi cymeradwyo Fframwaith Sicrwydd y Bwrdd ym mis Mai. Roedd hon yn garreg filltir allweddol i ni a amlinellwyd yn Strategaeth Fframwaith Sicrwydd y Bwrdd a gymeradwywyd gyntaf gan y Bwrdd wrth i ni sefydlu fel Awdurdod Iechyd Arbennig yn ôl yn 2021. Mae gwaith yn parhau ar hyn i fynegi ein goddefiant risg a'n derbynioldeb risg am ein 5 amcan strategol:

1. Galluogi Trawsnewid Digidol i gefnogi gofal cyson cydgysylltiedig
2. Darparu technoleg, cynhyrchion data a gwasanaethau o ansawdd uchel i gefnogi effeithlonrwydd a gwelliannau mewn prosesau gofal

3. Ehangu cynnwys, argaeledd ac ymarferoldeb y cofnod iechyd a gofal digidol fel bod ansawdd gofal a thriniaeth yn cael ei wella

4. Ysgogi gwerth ac arloesedd ar gyfer canlyniadau gwell a gofal Seiliedig ar Werth

5. Dod yn bartner strategol dibynadwy ac yn sefydliad cynhwysol ac uchelgeisiol sy'n perfformio'n dda ac sy'n cefnogi ein gweithlu a'n rhanddeiliaid

Mae Sesiwn Datblygu'r Bwrdd wedi'i threfnu ar gyfer 30 Mehefin i roi'r wedd derfynol ar y rhain. Y bwriad yna yw mynd â nhw i gyfarfod y Bwrdd Cyhoeddus ym mis Gorffennaf i'w cymeradwyo.

Yn ystod ein cyfarfod Bwrdd ym mis Mai, cawsom gyflwyniad gwych gan Sally Pritchard, Prif Reolwr Prosiect ar Geisiadau Prawf Electronig a'r nifer sy'n derbyn y gwasanaeth ar draws GIG Cymru. Roedd hwn yn arddangosiad gwych ar sut mae DHCW yn creu dull 'Digidol yn Gyntaf' ar gyfer Clinigwyr

Hwn oedd ein cyfarfod Bwrdd cyntaf lle cyflwynwyd nifer o eitemau agenda a chyflwyniadau yn Gymraeg.

Roedd hyn yn hynod gadarnhaol ac yn galonogol iawn i'w weld fel sefydliad dwyieithog.

Roedd gan y cyfarfod themâu cryf hefyd ynghylch dylunio canolfannau defnyddwyr, modelau ariannu strategol cynaliadwy a chadw data'n ddiogel. [Gallwch wyllo'r recordiad o'r cyfarfod ar ein gwefan.](#)

Rydym hefyd wedi cael Sesiwn Frifio'r Bwrdd gyda NHS Digital a oedd yn edrych ar rannu gwersi y gallem eu dysgu oddi wrth ein gilydd. Roedd yr agenda yn canolbwyntio ar Ymgysylltu â Dinasyddion, Cyllid Cynaliadwy, Gwireddu Buddion, Modelau Cyflawni Gweithrediadau a gwahanu Strategaeth a Chyflawni. Roedd y sesiwn yn ddefnyddiol iawn, ac roedd yn wych rhannu gwybodaeth am bynciau allweddol a gweithio ar y cyd â NHS Digital.

Mae Rhwydwaith Digidol Aelodau Annibynnol Cymru Gyfan wedi cyfarfod ar rai achlysuron bellach ers ei sefydlu ym mis Ionawr 2022 ac fel Bwrdd mae'n gadarnhaol gweld Aelodau Annibynnol ar draws GIG Cymru yn rhannu arferion gorau a dysgu. Yn y cyfarfod diwethaf, rhannwyd cyflwyniad ar Seiberddiogelwch, ynghyd â Strategaeth Iechyd a Gofal ddrafft Llywodraeth Cymru.

Mae gwaith newydd ddechrau ar ein Hasesiad Strwythuredig gydag Archwilio Cymru. Dyma'r Asesiad Strwythuredig cyntaf i ni ers dod yn Awdurdod Iechyd Arbennig ac mae'n adeiladu ar

yr Adolygiad Llywodraethu Sylfaenol a gynhaliwyd yn ystod 2021/22 a oedd yn canolbwyntio ar asesu cynnydd DHCW o ran sefydlu trefniadau llywodraethu da ar gyfer yr Awdurdod Iechyd Arbennig newydd. Bydd y gwaith hwn yn digwydd dros y misoedd nesaf a disgwyliad adroddiad terfynol gan Archwilio Cymru ym mis Tachwedd 2022.

Yn olaf, rydym yn cynnal ein Cyfarfod Cyffredinol Blynnyddol cyntaf ar 28 Gorffennaf a byddai'n wych i chi gyd ymuno i weld cyflwyniad ein Hadroddiad Blynnyddol a'n Cyfrifon Blynnyddol ar gyfer 2021/22. [Bydd y digwyddiad yn cael ei ffrydio'n fyw o 4pm. Gallwch wyllo'r cyfarfod ar ein gwefan.](#) Rydym yn croesawu pob cwestiwn ymlaen llaw ac yn gofyn i'r rhain gael eu hanfon at r fw-corp services@wales.nhs.uk erbyn 30 Mehefin 2022. Bydd cwestiynau yn cael eu hymgorffori yn ein sesiwn Holi ac Ateb ar ôl ein cyflwyniad.

Edrychwn ymlaen at Gyfarfod nesaf y Bwrdd, y Cyfarfod Cyffredinol Blynnyddol a pharhau â'n gwaith yn 2022.

Helen Thomas

Prif Swyddog Gweithredol



CIPOLWG AR Y BWRDD



@IGDCymru



GIG
CYMRU
NHS
WALES

Iechyd a Gofal
Digidol Cymru
Digital Health
and Care Wales